



Broj: 05/2-11/3-40/25

Velika Kladuša, 29.01.2025. godine

Na osnovu člana 70. člana 69. Zakona o javnim nabavkama BiH („Službeni glasnik BiH“, broj: 39/14, 59/22 i 50/24) i člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), u predmetu konkurentskog zahtjeva za nabavku radova – Izrada taktilnih površina za slijepa i slabovidna lica, Općinski načelnik Općine Velika Kladuša, donio je

ODLUKU **o poništenju postupka javne nabavke**

1. Poništava se postupak javne nabavke pokrenut donošenjem Odluke o pokretanju postupka javne nabavke broj: 05/2-11/3-40/25 od 15.01.2025.godine, na osnovu Plana javnih nabavki Općine Velika Kladuša za 2025. godinu, broj: 05/2-11/3-75-1/25 od 10.01.2025.godine i Obavještenjem broj: 299-7-3-1-3-5/25 objavljeno putem Portala na stranici Agencije za javne nabavke dana 15.01.2025. godine, tip postupka- konkurentski zahtjev za nabavku radova – Izrada taktilnih površina za slijepa i slabovidna lica za potrebe Općine Velika Kladuša.

2. Ova Odluka objavit će se na službenoj web stranici Općine Velika Kladuša, u skladu sa članom 70. Zakona o javnim nabavkama BiH („Službeni glasnik BiH“, broj: 39/14, 59/22 i 50/24).

O b r a z l o ž e n j e

Na osnovu Odluke o pokretanju postupka javne nabavke broj: 05/2-11/3-40/25 pokrenut je dana 15.01.2025. godine postupak javne nabavke - Izrada taktilnih površina za slijepa i slabovidna lica za potrebe Općine Velika Kladuša.

Javna nabavka provedena je putem konkurentskog zahtjeva, a kao kriterij za dodjelu ugovora odabrana je najniža cijena tehnički zadovoljavajuće ponude. U skladu sa članom 35. Zakona o javnim nabavkama BiH („Službeni glasnik BiH“, broj: 39/14, 59/22 i 50/24) Obavještenje o javnoj nabavci broj: 299-7-3-1-3-5/25 objavljeno je na Portalu javnih nabavki (ejn.gov.ba), dana 15.01.2025. godine. Procijenjena vrijednost nabavke iznosi 12.000,00 KM bez PDV-a.

Krajnji rok za dostavljanje ponuda bio je 27.01.2025. godine do 12:00 sati.

Komisija za javne nabavke u Zapisniku o pregledu i ocjeni ponuda od 28.01.2025. godine konstatovala je da je Tendersku dokumentaciju preuzelo 9 (devet) ponuđača, a da je nakon isteka krajnjeg roka za dostavljanje ponuda pristigla 1 (jedna) ponuda od strane ponuđača DERBY TRADE d.o.o. Brčko, što je konstatovano u Zapisniku o otvaranju ponuda od 27.01.2025. godine.

Nakon izvršenog otvaranja ponude Komisija je pristupila analizi dokumentacije priložene uz ponude u smislu njihove validnosti, obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Analizom dokumentacije dostavljene uz ponude Komisija je utvrdila da ponuda ponuđača DERBY TRADE d.o.o. Brčko, ne ispunjava formalno-pravne i tehničke zahtjeve Ugovornog organa navedene u tenderskoj dokumentaciji u pogledu vrste materijala koji je tražen za izradu taktilnih površina jer se u tenderskoj dokumentaciji navodi da je traženi materijal hladna plastika, a u ponudi je ponuđena vrsta materijala INOX, te je cijena ponude veća za

31.906,00 KM od procijenjene vrijednosti u tenderskoj dokumentaciji koja je iznosila 12.000,00 KM bez uračunatog Pdv-a, te je kao takva neprihvatljiva.

Članom 2 stav (1) tačka 1) propisano je da je Ponuda dokument koji podnosi ponuđač, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji.

Ponuda može biti:

- 1) prihvatljiva - koju je podnio ponuđač koji nije bio isključen u skladu sa članom 45. ovog zakona i koji ispunjava kriterijume za izbor najpovoljnije ponude, te čija je ponuda u skladu sa tehničkim specifikacijama bez da je nepravilna ili neprihvatljiva;
- 2) neprihvatljiva - čija cijena prelazi planirana, odnosno obezbijedena novčana sredstva ugovornog organa za nabavku ili ponuda ponuđača koji ne ispunjava kriterijume za kvalifikaciju privrednog subjekta;
- 3) nepravilna - koja nije u skladu sa tenderskom dokumentacijom ili je primljena van roka za dostavljanje ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska.

Shodno naprijed navedenom utvrđeno je da ponuda ponuđača **DERBY TRADE d.o.o.**, nije prihvatljiva za Ugovorni organ, te Komisija u Zapisniku od 28.01.2025.godine Općinskom načelniku daje preporuku da se ponuda DERBY TRADE d.o.o. odbije kao neprihvatljiva za ugovorni organ.

Cijeneći navedeno, na osnovu odredaba Zakona o javnim nabavkama BiH, odlučeno je kao u dispozitivu Rješenja.


Članom 69. stav (1) Zakona o javnim nabavkama propisano je: „Postupak javne nabavke može se okončati:

a) zaključenjem ugovora o javnoj nabavci ili okvirnog sporazuma ili b) poništenjem javne nabavke.“

U skladu sa gore navedenim odredbama Zakona o javnim nabavkama BiH, odlučeno je kao u dispozitivu Rješenja.


UPUTA O PRAVNOM LIJEKU: Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci BiH ima pravo uložiti žalbu u roku od 5 (pet) dana od dana kada je primio Odluku, odnosno Obavještenje o dodjeli Ugovora. Žalba se podnosi Ugovornom organu, kao prvostepenoj instanci u žalbenom postupku, u tri primjerka direktnom predajom kod Ugovornog organa ili preporučenom poštanskom pošiljkom.

Obrađivač:


Aida Čerimagić

Kontrolisao:

Pomoćnik Općinskog načelnika za finansije,
računovodstvo i javne nabavke


Sebilja Dervić-Melkić



Dostaviti:

1. Učesnicima u postupku 1x,
2. Služba za upravu, društvene djelatnosti i zajedničke poslove (web stranica),
3. U spis.